

Sakspapir

Saksnr	Utvalg	Type	Dato
062/22	Kommunestyret	PS	15.09.2022

Sakshandsamar	Arkiv	ArkivsakID
Christopher Marius Straumøy	Gbnr-155/69, Gbnr-155/86	22/938

Avtale om drift av Hoplandssjøen Kai mellom Austrheim Kommune og Kailaget

Vedlegg

Framlegg Vedtekter HOPLANDSSJØEN kailag, 2022 ver3 (1)

Utsendt framlegg til Samarbeidsavtale HOPLANDSSJØEN kai 2022 - utkast 2

Framlegg til vedtak:

Kommunestyret godkjenner at det inngåast avtale om drift av Hoplandssjøen kai som framlagt.

Kommunestyret - 062/22 - 15.09.2022

KS - behandling:

Sakshandsamar Christopher Straumøy orienterte om saka, jamfør saksutgreiinga.

Anne Dahle Austrheim (KrF) spurte om det ligg forsikring av kaien per i dag, slik det er nemnt i saka, og om dette er noko som gjeld andre kaiar. Her svara Straumøy at ein i avtalen forpliktar seg til å forsikra i framtida, og einingsleiar teknisk drift Rolf Henning Myrmel stadfesta at forsikringar er på plass, som del av kommunen si ansvarsforsikring.

Handsaming i kommunestyret:

Kommunedirektøren sitt framlegg vart samrøystes vedteke

KS - vedtak:

Kommunestyret godkjenner at det inngåast avtale om drift av Hoplandssjøen kai som framlagt.

Saksopplysninger:

Bakgrunn

Det har i lengre tid vore ynskjeleg for styret i Hoplandssjøen Kailag å få laget registret som eit tingsrettsleg sameige. Konkret er grunngevinga ønske om ordna forhold og mogelegheit for å kunne registrere eigen bankkonto. Laget har pr dags dato over 100.000 KR ståande på ein privat konto. Denne blir flytta over til Kailagets konto og vil gå til drifta av kaien. Desse pengane disponerast av kailaget til vedlikehald av kaien.

Kailaget har lagt ned mykje dugnadstid på kaien dei siste årane og er ein sentral bidragsytar til at kaien fortsett kan brukast.

Kommunen er ein av eigarane i kaien og det må inngåast ein avtale om drift og vedlikehald av kaien. Samstundes vil det bli gjennomført eit stiftelsesmøte kor kommunen er representert.

Eit utkast til avtale basert på den gamle vart sendt kommunen frå kailaget. Kommunen gjorde ein del endringar på avtalen og sendte over til Kailaget. Denne vart så godkjent av kailaget.

Også når det gjeld vedtekter til Kailaget er det semje mellom partane.

Avtale og vedtekter ligg som vedlegg.

Vurdering

Økonomisk vil ikkje dette koste meir enn kva kommunen sitt ansvar i dag gjer som medgrunneigar i kaien. All den tid kommunen ønskjer å oppretthalde kaien på Hoplandssjøen må kommunen likevel – til tider – bidra økonomisk. Kommunen styrer fortsett sitt økonomiske ansvar sjølv gjennom vedlikehaldsbudsjettet. Kailaget kan ikkje under nokon omstende pålegge kommunen økonomiske forpliktingar knytta til avtalen.

Avtalen er kurant for begge partar slik kommunedirektøren ser det. Avtalen har 10 års varigheit, men samstundes eit års gjensidig oppseiing. Avtalen skaper naudsynt føreseielegheit for begge partar.

Konklusjon

Kommunestyret godkjenner at det inngåast avtale om drift av Hoplandssjøen kai som framlagt.

